



Broj protokola: 01-1-1783/22
Sarajevo, 13.10.2022. godine

Na osnovu člana 118. Zakona o radu ("Službene novine Federacije BiH" broj: 26/16, 89/18 i 44/22), člana 94. Zakona o osnovnom odgoju i obrazovanju ("Službene novine Kantona Sarajevo", broj: 23/17, 33/17, 30/19, 34/20 i 33/21), odredbi Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj: 24/22), člana 2. stav (4) Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", broj: 40 od 06.10.2022. godine) i člana 155. Pravilnika o radu JU OŠ "Mustafa Busuladžić" Sarajevo, uz konsultacije sa predstavnicima Sindikata JU OŠ "Dobroševići" Sarajevo, Školski odbor JU OŠ "Mustafa Busuladžić" Sarajevo, sjednici održanoj dana 13.10.2022. godine, d o n o s i

**PRAVILNIK
O IZMJENAMA PRAVILNIKA O RADU
JU OŠ "MUSTAFA BUSULADŽIĆ" SARAJEVO**

U Pravilniku o radu Javne ustanove Osnovne škole "Mustafa Busuladžić" Sarajevo broj:01-1-619/22 od 21.06.2022.godine vrše se sljedeće izmjene:

Član 1.

(1) U članu 65. stav (1) mijenja se tačka i) koja glasi:

"i) nastavniku razredne nastave i nastavniku predmetne nastave za specifičnosti izvođenja odgojno- obrazovne nastave (rada sa djecom/učenicima) pripada pravo na poseban dodatak u iznosu od 3% njegove osnovne plate."

(2) Tačka j) istog člana i stava se mijenja i glasi:

"j) pedagogu, psihologu, asistentu u odjeljenju/grupi, bibliotekaru, rukovaocu nastavnom tehnikom (rukovalac nastavnom tehnikom i EMIS odgovorna osoba) i članu mobilnog stručnog tima za pružanje podrške inkluzivnom obrazovanju pripada pravo na poseban dodatak u iznosu od 3% njegove osnovne plate. Radnicima iz ove tačke koji rade u stručnom timu ustanove za podršku inkluzivnom obrazovanju, pored posebnog dodatka u iznosu od 3% njegove osnovne plate, pripada pravo na dodatni posebni dodatak u iznosu od 1% njegove osnovne plate. "

(3) Tačka l) istog člana i stava se mijenja i glasi:

"l) direktoru, sekretaru, samostalnom referentu za plan i analizu (računovodstveno-finansijskom radniku) pripada pravo na poseban dodatak u iznosu od 4% njegove osnovne plate.

Radnicima iz ove tačke, pored posebnog dodatka u iznosu od 4% njegove osnovne plate, pripada pravo na dodatni posebni dodatak prema sljedećim kriterijima: radniku u osnovnoj školi sa više od 60 radnika u iznosu od 1% njegove osnovne plate i radniku u osnovnoj školi sa više od 80 radnika u iznosu od 2% njegove osnovne plate. "

(4) Stav (3) istog člana se mijenja i glasi:

"3) Posebni dodaci iz stava (1) ovog člana se utvrđuju za svaku školsku godinu, a isplaćuju se tokom cijele nastavne godine izuzev posebnih dodataka iz stava (1) tačka i), tačka j) i tačka l) koji se isplaćuju tokom cijele školske godine. "

Član 2

(1) Pravilnik o izmjenama Pravilnika o radu škole stupa na snagu danom donošenja, a primjenjuje se od 01.09.2022. godine.

PREDSJEDNIK ŠKOLSKOG ODBORA

/Sejdo Macić, dipl. ing. el./